



Broj: 101-2284/26

Mostar, 26.5.2026. godine

Na osnovu člana 80. Zakona o visokom obrazovanju u Hercegovačko-neretvanskom kantonu ("Službene novine Hercegovačko-neretvanskog kantona" broj: 4/12), člana 146. i 154. Statuta Univerziteta, te odluke Senata Univerziteta broj: 101-2280/26 i 101-2283/26 od 26.5.2026. godine uz saglasnost Ministarstva obrazovanja, nauke, kulture i sporta HNK, broj: 03-34-1281/26-1 od 5.6.2026. godine, Univerzitet "Džemal Bijedić" u Mostaru, objavljuje

KONKURS

za upis studenata u prvu godinu I (prvog) i II (drugog) ciklusa studija na Univerzitetu "Džemal Bijedić" u Mostaru u akademskoj 2026/2027. godini

1. Konkurs za upis u prvu godinu I (prvog) ciklusa studija u akademskoj 2026/2027. godini je otvoren od 15.6.2026. do 29.6.2026. godine.

Konkurs za upis u prvu godinu II (drugog) ciklusa studija u akademskoj 2026/2027. godini je otvoren od 15.6.2026. godine do 2.11.2026. godine.

U prvu godinu studija u akademskoj 2026/2027. godini kandidati se upisuju u skladu sa Planom upisa studenata.

2. Pravo na upis i status studenta **dodiplomskog studija i integrisanog studija Farmacija** imaju sva lica koja su završila četverogodišnju srednju školu u Bosni i Hercegovini, kao i lica koja su završila četverogodišnju srednju školu u inostranstvu.

Kandidati koji su srednju školu završili u inostranstvu, uz prijavu na konkurs, podnose obrazovne isprave i rješenje o ekvivalenciji, odnosno nostrifikaciji, a ako je postupak u toku, dostavljaju dokaz o podnesenom zahtjevu.

Univerzitet će osigurati pristup studiju stranim državljanima i licima bez državljanstva u skladu s načelima evropskog sistema visokog obrazovanja, osiguravajući im studij pod istim uvjetima kao i državljanima Bosne i Hercegovine.

3. Pravo upisa na **diplomski** imaju kandidati sa završenim odgovarajućim dodiplomskim studijem koji se vrednuje sa najmanje 180 ECTS odnosno 240 ECTS studijskih bodova, te kandidati sa završenim četverogodišnjim studijem po predbolonjskom sistemu studiranja, što se bliže definiše studijskim programom.

Kandidati za upis na diplomski studij, u pravilu, moraju imati najmanju prosječnu ocjenu 7,5 (C+) ostvarenu na dodiplomskom studiju, a ukoliko nisu ostvarili traženu prosječnu ocjenu, potrebno je da dostave dvije preporuke nastavnika/saradnika, koji su im bili predmetni nastavnici/saradnici na dodiplomskom studiju.

Kandidati koji ispunjavaju prethodno navedene uslove imaju pravo upisa na studijski program koji je srodan završenom dodiplomskom studiju, uz polaganje jednog ili više diferencijalnih ispita i pod uslovima koje utvrđuje naučno-nastavno vijeće fakulteta/univerzitetskog studija, koji realizuje studijski program diplomskog studija.



Strani državljani i osobe bez državljanstva imaju pravo upisa na studij pod jednakim uslovima kao i državljani BiH.

4. Za prijavu na Konkurs za upis u prvu godinu studija kandidat je dužan predati sljedeće dokumente:

a) prvi ciklus (dodiplomski studij) i integrisani studij Farnacija

- Originalna svjedočanstva o završenim razredima srednje škole i originalnu diplomu o završenoj srednjoj školi u Bosni i Hercegovini u četverogodišnjem trajanju odnosno odgovarajuće nostrificirane dokumente za kandidate koji srednju školu nisu završili u Bosni i Hercegovini (ukoliko su dokumenti u postupku nostrifikacije prilaže se dokaz o podnesenom zahtjevu za nostrifikaciju);
- Izvod iz matične knjige rođenih (original ili ovjerena kopija originala);
- Uvjerenje o državljanstvu (original ne starije od 6 mjeseci) i
- Druge dokumente relevantne za utvrđivanje broja bodova po kriterijima.

b) drugi ciklus (diplomski/master studij)

- Zahtjev za upis u kome je tačno naznačen studijski program na koji konkuriše;
- Diploma ili uvjerenje o završenom prvom ciklusu studija iz odgovarajuće oblasti, odnosno dokaz o podnesenom zahtjevu organizacionoj jedinici/univerzitetskom studiju na kojoj želi nastaviti svoje obrazovanje za priznavanje strane visokoškolske isprave, kvalifikacije i perioda studija;
- Uvjerenje o položenim ispitima ili dodatak diplomi (original ili ovjerena kopija originala);
- Izvod iz matične knjige rođenih (original ili ovjerena kopija originala);
- Uvjerenje o državljanstvu (original ne starije od 6 mjeseci) i
- Drugi dokumenti u skladu sa Pravilima studiranja na II ciklusu studiju na Univerzitetu "Džemal Bijedić" u Mostaru, objavljenim na web stranici Univerziteta.

Kandidati koji su studije završili u inostranstvu uz prijavu na konkurs podnose obrazovne isprave i rješenje o ekvivalenciji, odnosno nostrifikaciji, a ako je postupak nostrifikacije u toku dostavljaju dokaz o podnesenom zahtjevu. Pravo na upis kandidat stiže nakon donošenja rješenja o nostrifikaciji.

Nepotpune i neblagovremeno podnesene prijave neće se uzimati u razmatranje.

5. Prijemni ispit, na organizacionim jedinicama/univerzitetskim studijima na kojima se polaže, obaviti će se prema terminu, rasporedu i satnici koje će utvrditi organizacione jedinice/univerzitetski studiji pojedinačno, i oglasiti na svojim oglasnim pločama i web stranicama uz detaljne informacije o istom.

6. Kriteriji i mjerila za utvrđivanje redosljeda za prijem kandidata za upis u prvu godinu prvog i drugog ciklusa studija na organizacione jedinice/univerzitetske studije Univerziteta "Džemal Bijedić" u Mostaru će biti objavljeni na oglasnim pločama i web stranicama Univerziteta i organizacionih jedinica/univerzitetskih studija. Rang listu svih kandidata i spisak primljenih kandidata organizacione jedinice/univerzitetski studiji će objaviti na oglasnoj ploči i web stranici nakon što ista bude verifikovana.



7. Na objavljenu rang listu kandidati mogu uložiti pismeni prigovor Naučno-nastavnom vijeću organizacione jedinice/univerzitetskog studija u roku od 3 dana od dana objavljivanja iste. Naučno-nastavno vijeće organizacione jedinice/univerzitetskog studija je dužno u roku od 3 dana odlučiti o prigovoru i o tom obavijestiti kandidata. Odluka Naučno-nastavnog vijeća je konačna.

8. Prijava kandidata na Konkurs za upis **u prvu godinu I ciklusa studija i prvu godinu integrisanog studija Farmacija vršit će se elektronski**, putem portala <https://upisi.unmo.ba>.

Za prijavu na Konkurs za upis **u prvu godinu I ciklusa studija na Fakultetu informacijskih tehnologija** kandidati su dužni predati dokumente predviđene tekstom konkursa. Pored predaje pomenutih dokumenata obavezni su izvršiti i online prijavu. **Link za online prijavu: <https://prijemni.fit.ba/> (OBAVEZNO).**

Prijava kandidata na Konkurs za upis **u prvu godinu II ciklusa studija vršit će u studentskim službama organizacionih jedinica/univerzitetskih studija.**

9. Kandidati koji u skladu s Konkursom ostvare pravo upisa **u prvu godinu I ciklusa studija i prvu godinu integrisanog studija Farmacija** su dužni **prilikom upisa**, dostaviti originalnu dokumentaciju koja je prethodno postavljena na web portal tokom procesa prijave (osim za Fakultet informacijskih tehnologija koji originalna dokumenta dostavljaju tokom Konkursa).

10. **Prilikom upisa** primljeni kandidati podnose:

- originalnu dokumentaciju prethodno postavljenu na portal prilikom procesa prijave (kandidati koji ostvare pravo upisa u prvu godinu I ciklusa studija i prvu godinu integrisanog studija Farmacija, osim za Fakultet informacijskih tehnologija)
- upisni i prijavni list (ŠV obrazac)
- upisnicu – index
- dvije fotografije
- ljekarsko uvjerenje o zdravstvenom stanju studenta (izdaje ga odgovarajuća zdravstvena ustanova ne starije od 6 mjeseci)
- dokaz o uplati školarine i drugih usluga za studente Univerziteta „Džemal Bijedić“ u Mostaru.

Dokumentaciju za upis na organizacione jedinice Univerziteta „Džemal Bijedić“ u Mostaru primljeni kandidati podnose u **studentskim službama organizacionih jedinica.**

Kandidati koji su ostvarili pravo upisa u prvu godinu prvog i prvu godinu drugog ciklusa univerzitetskog studija **Dizajn interijera**, kao i prvu godinu integrisanog studija **Farmacija** dokumentaciju za upis podnose **u studentsku službu Nastavničkog fakulteta Univerziteta „Džemal Bijedić“ u Mostaru.**



Kandidati koji su ostvarili pravo upisa u prvu godinu prvog ciklusa univerzitetskog studija **Zdravstvena njega** dokumentaciju za upis podnose u studentsku službu **Agromediteranskog fakulteta Univerziteta „Džemal Bijedić“ u Mostaru.**

Kandidati koji su ostvarili pravo upisa u prvu godinu prvog i prvu godinu drugog ciklusa univerzitetskog studija **Studij Turizma** i univerzitetskog studija **Poslovna informatika** dokumentaciju za upis podnose u studentsku službu **Ekonomskog fakulteta Univerziteta „Džemal Bijedić“ u Mostaru.**

Kandidati koji su ostvarili pravo upisa u prvu godinu prvog ciklusa univerzitetskog studija **Logopedija** i univerzitetskog studija **Kozmetologija** dokumentaciju za upis podnose u studentsku službu univerzitetskih studija koja se nalazi u zgradi **Univerzitetskog multidisciplinarnog edukacijskog centra – UMEC.**

PREDSJEDAVAJUĆA SENATA
UNIVERZITETA „DŽEMAL BIJEDIĆ“ U MOSTARU

prof. dr. Alena Huseinbegović, rektorica

